

Communicaziun a las medias BCG

La Banca Chantunala Grischuna certifitgescha sias emprimas cussegliadras e ses emprims cussegliaders da clients

Cuira, ils 1 da zercladur 2016 – La Banca Chantunala Grischuna (BCG) ha cumenzà a certifitgar sias cussegliadras e ses cussegliaders da clients. Ella dat uschia suatientscha a las recumandaziuns da la Surveglianza federala dals martgads da finanzas FINMA. Tenor quellas ston tut las personas responsablas per clients privats, individuals e da fatschenta sco er ils cussegliaders da private banking cumprovar lur enconuschientschas professiunalas.

Cun certifitgar ses collavuratur contribuescha la Banca Chantunala Grischuna essenzialmain a la professiunalisaziun ed a la garanzia da la qualitat en il sector da la cussegliaziun da la clientella. Spezialistas e spezialists cun ina buna scolaziun n'èn betg mo d'impurtanza centrala per la protecziun da las clientas e dals clients da banca, mabain era per la cumpetitivitad e la reputaziun da la piazza da finanzas svizra.

Las cussegliadras ed ils cussegliaders da clients da fatschenta èn vegnids certifitgads il matg. L'onn proxim suonda la scolaziun dals collavuratur che cusseglia clients privats, individuals e da private banking. Ultra dal rinfrestgament da la savida davart affars da banca vesa la banca ina plivalur en in discurs qualifitgà cun clients. La simulaziun da cas concrets e damai la cussegliaziun en il senn da la filosofia da la BCG mainan ad in'empermischun da qualitat unitara envers la clientella.

Uschia pon las clientas ed ils clients da la Banca Chantunala Grischuna profitar vinavant d'ina qualitat da cussegliaziun constantamain auta e d'in servetsch d'assistenza professiunal.

Contact per collavuratur da medias ed investurs:

Banca Chantunala Grischuna, Medias & Investor Relations, Chascha postal, 7002 Cuira

Thomas Müller, thom.mueller@gkb.ch, telefon +41 81 256 83 11

Plutarch Chiotopulos, plutarch.chiotopulos@gkb.ch, telefon +41 81 256 83 13

La Banca Chantunala Grischuna sin:

gkb.ch/medien | [Twitter](#) | [Facebook](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universala moderna – per personas privatas, l'economia ed il maun public. La banca occupa 1'052 collavuratur e collavuratur (stadi dals 31-12-2015). En il chantun Grischun cun sias numerus vals e pliras linguas, è l'interpresa representada cun 61 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA a Turitg. En il quint annual preschenta ella cun ina summa da bilantscha da CHF 23,284 milliardas in gudogn dal concern da CHF 168,2 milliuns. Il scrit da participaziun BCG è quotà a la bursa dapi ils 10 da settember 1985.

Termins

Rendaquint semestral 2016: 29 da fanadur 2016

Quint annual 2016: 10 da favrer 2017

Radunanza dals participants: 8 d'avrigl 2017
